

Уламоларнинг илмий сұхбатлари давом этяпти



21:00 / 08.07.2021 1447

Ўзбекистон мусулмонлари идораси раиси, муфтий Усмонхон Алимов бошчилигидаги уламолар Тошкент вилоятига ташрифи давомида масжидлар, маҳалла фуқаролар йиғини ва эҳтиёжманд оиласлар хонадонида бўлмоқдалар.

Бугун, 8 июль куни юртимизнинг таниқли уламолари Тошкент вилояти Бекобод шаҳар ва Бекобод туманларига ташриф буюришди.

Жумладан, Дин ишлари бўйича қўмита раисининг биринчи ўринbosари Музаффар Комилов ва Тошкент шаҳар «Шайх Муҳаммад Содик Муҳаммад Юсуф» жоме масжида имом-хатиби Исмоил домла Муҳаммад Содик Бекобод шаҳар «Исломобод» жоме масжидига ташриф буюришди. Пешин намозини жамоат билан адo этгач, уламоларимиз масjid қавмига бир-биридан гўзал маъruzалар қилиб бердилар. Унда мамлакатимизда амалга оширилаётган хайрли ишлар, янгилик ва хушхабарлар, динимиз аҳкомлари, таълим-тарбиянинг аҳамияти ҳақида алоҳида тўхталиб ўтдилар. Шунингдек, уламолар мўмин-мусулмонларни шаръий ва ижтимоий саволларига батафсил жавоб бердилар.

Шунингдек, Ўзбекистон мусулмонлари идораси раисининг маслаҳатчиси Салоҳиддин домла Шарипов Бекобод тумани «Ҳазрати мулла» жоме масжидига, Ислом цивилизация маркази ходими Аброр Мухтор Алий домла

ва Тошкент вилояти бош имом-хатиби Жасурбек домла Раупов Бекобод шаҳар «Оқ масжид» жоме масжидаига, Ўзбекистон мусулмонлари идораси раисининг биринчи ўринbosари Ҳомиджон Ишматбеков Бекобод туманидаги «Амир Ҳамза» жоме масжидаига, Ўзбекистон мусулмонлари идораси раисининг ўринbosари Иброҳим домла Иномов Бекобод шаҳар «Қора мозор» жоме масжидаига, Тошкент шаҳар «Имом Термизий» жоме масжиди имом-хатиби Исҳоқжон домла Бегматов Бекобод тумани «Далварзин» жоме масжидаига, Тошкент шаҳар бош имом хатиби ўринbosари Абдуқаҳҳор Юнусов Бекобод шаҳар «Нўмон ибн Собит» жоме масжида илмий сұхбатлар қилиб бердилар.

Уламоларнинг намозхонлар билан учрашуви, маънавий-маърифий илмий сұхбатлар, аҳолининг билим савиясини оширишга, юртимизда амалга оширилаётган ислоҳотлардан хабардор бўлишига сабаб бўлмоқда.





